

ÚTIL

6

A MARIÑA

Mobles Hermida intenta abrir mercado en Asia e Latinoamérica

A empresa recibiu onte a arquitectos que deseñan e equipan hoteis

MARÍA CUADRADO

LOURENZÁ/ LA VOZ 04 de outubro de 2012 05:02

★★★★★ 3 votos



Os arquitectos coñeceron onte os deseños e produtos de Hermida.

Unha delegación de arquitectos que traballan en Asia e Latinoamérica coñeceron onte en Mobles Hermida os produtos que esta empresa ofrece para a canle contract; equipamento de hoteis, centros comerciais ou tendas. A visita enmárcase nun encontro empresarial impulsado por Confemadera Galicia e a Asociación Empresarial de Portugal, e promovido pola Xunta a través do Igape.

O director xeral da empresa laurentina e vicepresidente de Confemadera, Ángel Hermida, recoñeceu a súa aposta por intentar abrir novos mercados neste segmento. Destacou o nivel dos arquitectos que visitaron a fábrica: «Dáme a impresión de que buscan fabricantes coma nós. Non hai moitas empresas capaces de responder a pedidos importantes en prazos moi curtos».

Hermida confía en que os profesionais valoren a calidade da súa produción e que os traballos xa realizados -como o recente equipamento dun hotel en París- sirvanlles para promocionar o seu potencial tamén fose de España. Consciente de que a recesión marca outros ritmos, o

SABER MÁIS...

Lourenzá

Publicidad



empresario laurentino móstrase optimista con futuros proxectos.

Arteaga en Singapur

Mentres elaboran orzamentos para optar a executar actuacións fóra de España -algún en México- a empresa e os seus traballadores arriman o ombro para intentan recuperarse da situación económica: «De momento seguimos pelexando moito, pero imos saír disto».

Pola fábrica pasaron arquitectos da talla de Fernando Arteaga, que deseñou os principais hoteis que se constrúen en Asia; Rufino Hernández, de Qatar, Constance Martens e José de Jesús López, de México, César Ruíz, de Perú, Tomas Hossie, de Colombia e Walkiria Osiris, de Panamá. Ademais de Hermida, onte tiñan previsto desprazarse á empresa Cándido Hermida en Narón, e hoxe Molduras Noroeste, de Ferrol, e Losán. Mañá concocerán o negocio de Ramón García, en Santiago, segundo as previsións reveladas por Confemadera.

Non é a primeira vez que arquitectos internacionais visitan Lourenzá. En outubro do 2011 un grupo de prescriptores de Latinoamérica coñeceron *in situ* a produción de Mobles Hermida. O director xeral, que recoñece o esforzo realizado por CIS Madeira, cre que estas visitas permiten dar a coñecer o seu potencial como fabricantes de mobles de calidade.

O Observatorio Cetelem 2012 dedicado ao consumo e á distribución reflexa estatísticas e tendencias que invitan a un moderado optimismo, segundo a documentación que manexan fabricantes de mobles. O maior consumo dos españois neste sector séguese motivando a compra de mobles para o comedor (gasto medio de 749 euros), seguida de mobles de dormitorio e baño. A mesma fonte revela que as vendas do sector de cociñas creceron un 9 % sobre a cifra do 2011.



© Copyright LA VOZ DE GALICIA S.A.
Polígono de Sabón, Arteixo, A Coruña (España)
Inscrita no Rexistro Mercantil da Coruña no Tomo 2438 do Arquivo,
Sección Xeral, aos folios 91 e seguintes, folla C-2141. CIF: A-15000649.

Aviso legal
Política de privacidade
Condicións xerais

WEBS DO GRUPO

Radiovoz
V Televisión
Voz Audiovisual
Sondaxe
CanalVoz
Voz Natura
Fundación
Programa Prensa-Escuela
Escola de medios

CONTACTA

Contacto xeral
Cartas ao director
Envío de fotos
Envío de vídeos
TARIFAS WEB
Consultar
OJD

REDES SOCIAIS

Facebook
Twitter de La Voz
Twitter das edicións
Twitter de La Voz deportes
Tuenti
Google +
Portal de Youtube

SERVIZOS

Bolsa
Hemeroteca web
Procura de necrolóxicas
Buscavoz
Puntos de venda do periódico
Subscrición á edición impresa